



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

Nádasi, János

Coloniae Ubiorum, 1667

28 Jan. 5 Kal. Feb.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

amore, ac ab iis, quæ tibi hæc tunc
malè placuerant, repentè avulsa,
tota divino amore flagrans, totam
te divino amori undequaque in
holocaustum, actuoso actionum
omnium ardore, dedisti. Accende
tepidum cor meum: exure sepes,
& spinas, & omnia impedimenta,
quæ tepefaciunt vitam meam.

OMNES SANCTI, &c.

pag. 44.

S. MARIA, qua hodie S. Joannem
Chrysoftomum, tunc puerum, tuo
lacte lactasti: qui tibi à S. Cyrillo visus
est assidere in gloriâ, & à te contra de-
tractores defendi. Doce me esse juxta
te: defende me, & lacta cor meum; ne
illud lactent peccatores, ne acquiescam
eis, sed tibi, tuus corde, tuus linguâ,
tuus vitâ, & morte, Ô MARIA, tuorum
tutela, & nutrix!

28 Jan. 5 Kal. Feb.

S. Jacobe pœnitens! tu magnus
ad salutem, cum tremore ope-
randam, stimulus es! Qui quadra-
ginta jam annis in eremo, & absti-
nentiâ, & miraculis admirandus,
post multas victorias victus, & in
horrendum carnis, ac homicidii
scelus prolapsus, tandem pœnitens,
toto

toto decennio, inter ossa, in mortuali crypta, vivus te sepelisti, po-
nitentia victima; corpus non nisi
radicibus, idque tantum bis quo-
hebdomadis, refecisti, & miracul-
iterum illustris, sepulchro illi tu
immortuus es. O! per tuas preces
configat timore, & amore suo Deus
carnes meas; ut cum tremore semper
per operer salutem, quæram æter-
nitatem meam: ut me, nullius
nullius peccati reum, sistat incu-
pata vita mea morti meæ, mor-
tua mea æternitati meæ! Amen.

S. Agnes, quæ cum choro cæle-
stium Virginum hodie parentibus
apparuisti. Doce me vivere, doce
me amare, quæ mortem perdidisti
& vitam invenisti; quia solum vitam
dilexisti auctiorem. Fac immacula-
tam vitam meam; fac Dei amoribus
aureas & igneas horas vitæ mea-
tu, in cuius brevibus annis infantia
computabatur, sed erat *senectus*
mentis immensa. Ut sit aptum a-
mando Deo; fiat cor meum immac-
culatum. ita mihi non deerit *senectus*
senectutis, vita immaculata. Tu
auribus tradidit Deus inestimabi-
les margaritas, & immensis moni-
libus ornavit te. fac, ut aures cordis
mei sint ad inspirationes Dei, velut

ad inestimabiles divini amoris margaritas, obedienter attentæ. ita fiet, ut discedat à me omne pabulum mortis, omnis tentatio; ac mihi vincenti arma & pabulum præbeat amor Dei, à quo amatore præventa est anima mea. Tu expansis innocentibus manibus, in medio flammarum orabas. Expande pro me quoque manus tuas; ut sciam orare, corde ac manibus expansis, in medio flammarum amoris Dei, quo ardent Seraphini; & quo tu, ac vos omnes, ardetis, qui olim hic singulari divini amoris incendio, præ aliis, flagrâstis. Faciat grata, & pretiosa opera mea is, qui *dexteram* tuam cinxit lapidibus pretiosis. induat *JESUS* etiam sanguine suo lotam animam meam cyclade auro sui amoris textâ; ut totus induar Dominum nostrum *JESUM* Christum. Impetra cordi & ori meo verba nectareæ charitatis tuæ, quæ ex ore *JESU* mel, & lac suscepisti. fac, ut, unâ tecum, ipsi soli, soli, soli servem fidem; ipsi soli me totâ, totâ, totâ devotione committam. Ille, qui tibi ostendit, & promisit thesauros incomparabiles, det mihi è thesauris suis aurum puri, veri, solidi amoris sui. Illius amor me doceat

doceat amare tecum Deum; etiam
 in tristibus & adversis. ita fiet, ut
 me in æternitate induat vestimentum
 salutis, & indumento lætitiæ circum-
 cumdet, qui me hîc tot adversis
 at simul igne sui amoris, circum-
 dedit. Serviant cor meum, oculi
 mei, sensus mei omnes tecum illi
 cui Angeli serviunt: illum tecum
 inter adversa quoque, confitear la-
 biis; illum corde, illum totis, totis
 totis viribus concupiscam. amen
 tecum, amore pulchræ dilectionis
 etiam in hoc mundo, id est, in hoc
 turpitudinis loco, illum, cujus pul-
 chritudinem sol & luna mirantur
 usque dum eum amem in loco pul-
 chritudinis infinitæ. Habeo et ego
 meum custodem corporis mei, An-
 gelum Domini. impetra mihi, ut
 ejus magisteriis ac disciplinæ ma-
 tradam contra angelos tenebrarum.
 Fac, ut amem Deum indies magis
 & magis hîc, ut tantò magis eum
 amem tecum ibi, ubi, quod con-
 cupivisti, jam à tot sæculis vides,
 & videbis æternum; quod sperasti,
 jam tenes: & ita jungatur anima
 mea in cælis illi, quem in terris pos-
 sita, tecum, totâ devotione dilexit.

S. Flaviane M.

S. Valeri Ep.

S. Thyrese

S. Thyse, qui membratim discerptus, à fervente aquâ, feris, ferrâ, nil læsus, è mari à choro splendidorum virorum exemptus, tandem ante mortem sic orâsti : *Domine JESU Christe, benedictum nomen tuum in omni sæculorum æternitate, qui me indignum famulum tuum tuâ hereditate, & choro eorum, qui tibi placuerunt, dignatus es ! Et nunc, Domine, accipe animam meam.*

S. Callinice Martyr.

S. Leuci, in cælos cælesti voce evocate Martyr.

S. Æmiliane Ep. M. qui lac pro sanguine fudisti per vulnera ; & ibidem arbores, repenti floridæ, fructus inexpectatos dedere,

S. Juliane Ep. qui moriens vidisti ad te venientem Dei Matrem, ferto è rosis redimitam, Virginibus comitam, Angelorum choro hæc accinente : *Ecce Sacerdos magnus, qui in diebus suis placuit Deo ! Tum à Deiparâ, palmam tibi porrigente, hæc audisti : Accipe palmam hanc, virginitatis ac puritatis argumentum.*

S. Joannes Abba Reoamensis, qui collapsam religiosam disciplinam, verbo & exemplo, restaurâsti ; necato, precibus ad Deum fufis, horren-

horrendo serpente, salubres aqua
 puteo reddidisti; venienti, ad
 videndum, optimæ matris tuæ, re
 transiens tantum, spectandum de
 disti, eam ne verbo quidem allocu
 tus; furem ad te orando pertraxisti
 ac furtum fateri coëgisti: in castro
sinè muro dicto, illecebras impudicæ
 fœminæ, nobili fugâ vicisti: a
 quo, tunc adhuc vivo, sibi per
 quietem conspecto, se objurgatum
 falsus est blasphemus quidam ho
 mo agrestis. cujus epistolam quæ
 conspuerat, in pœnam, per novem
 annos, in os illud nec eucharistiam,
 nec panis quicquam, potuit ad
 mittere, tenuissimo tantum liquore
 gustato. aliàs item tuæ epistolæ
 proculcatæ supplicium fuit, ut is
 qui eam proculcârat, repente densis
 tenebris involutus torqueretur,
 tanquam sudibus præacutis cir
 cûmdatus, donec veniam precatus,
 id, quod à te pro miserabili quo
 dam petebatur, concederet. qui
 Lætum Diaconum, pestilenti lue
 ietum, aquâ, cui benedixeras, ei
 propinatâ, sanâsti: mendicum pi
 grum, impresso ejus pectori signo
 Crucis, laboriosum, & locupletem
 fecisti: frumentum, egenis destina
 rum, orando multiplicâsti: cujus

in Vitâ hoc est sanctum & vetus e-
 logium, quòd *ignitus illius amore, de*
quo Dominus ait: Ignem veni mittere
in terram; hoc verbum semper in cor-
de ac ore volvens, familiare habueris;
Concupivit anima mea desiderare ju-
stificationes tuas. Dilexi mandata tua
super aurum & topazion! cujus pri-
 ma è B. Macario regula, erat amor
 Dei. qui hoc die, anno ætatis cen-
 tesimo & vigesimo, felix ad dile-
 ctum Deum abiisti, nulla senectutis
 damna sentiens in dentibus, ocu-
 lis, memoriâ; sed vegetus. qui mor-
 tuus, corpus tuum à tuis transferri,
 non nisi præmisso jejunio, permi-
 sisti. qui denique Theuberto, ex-
 cisâ jam pridem linguâ muto, lin-
 guæ usum restituiisti, cum, pridie
 tui festi, ære Campano populum
 ad festum invitaret: dicente illo
 postea, *igniculum quendam, instar*
ardentis stelle, è tuo sepulchro prod-
euntem, claustrum sui oris, ictu vali-
disimo perculisse. Signa pectus me-
 um, & imple *ignito ignis illius amore,*
 quem *JESUS* venit mittere in ter-
 ram. da, ut unicâ divini amoris fe-
 gulâ & amissi metiar, quicquid
 ago. reple os meum, & ictu validis-
 simo penetra illo *igniculo,* qui cor
 tuum, os tuum, tuam animam oc-
 cupavit.

H

B. Mar-

B. Margarita V. Belæ Regis Hungariae filia, jejuniis, aliisque teneris carnis afflictationibus, divinæ Matris cultu, ac miraculis, inclytæ exemplar nobilitatis sanctæ.

S. Leonides, & socii MM.

Omnes sancti Martyres. in templo interempti.

S. Cyulle doctissime Ep.

S. Joannes Presbyter, vir Dei.

OMNES SANCTI, &

pag. 44.

S. MARIA, qua Margaritam, virginem Ungaricam, hodie morientem, Sanctorum & Angelorum choris comitata, visitasti, ejusque capiti coronam imposuisti, visa eandem coronatam in celum per scalam procedere. Impetra mihi, Domina, ut te imiter; ut te sequar, vivens, & moriens, usque in celum!

29 Jan. 4 Kal. Feb.

S. Constantine Episc. M. qui per aquam ferventis balnei, & per ignem, victor transisti, curatus a Angelis. Duo, qui te post mortem iridebant, ridendo lumen oculorum amiserunt, & flendo receperunt, pœnitentiâ ducti: cujus corpus, divino monitu perquisitum, choris